

Clemens tandem XI. anno 1708. sub die 6. Decembris in Bulla, quæ incipit, *Commissi nobis &c.* præcipit, ut Festum Conceptionis B. Mariæ Virginis Immaculatae de præcepto ubique in posterum observetur.

III. Hac hucusque a Summis Pontificibus circa Mysterium, & Festum Conceptionis Mariæ sanccta fuere: quibus sanctissimis Constitutionibus obtemperando fideles, cum ingenti virorum piorum lætitia, Mysterium Conceptionis B. Mariæ Virginis Immaculatae ita celebratur per Orbem, ut nulla sit regio, nulla Catholica civitas, nullum collegium, nulla communitas, quæ totis medullis cordium, totis præcordiorum affectibus, votisque omnibus Conceptionem B. Mariæ Virginis Immaculatae non veneretur. Decreta, & Constitutiones Pontificum sancte ubique observantur; & in scholis, & subselliosis, in familiaribus etiam, privatisque colloquiis Mysterium defenditur, & propugnatur. Et si pauci sunt, qui enim adhærent, obtemperando Pontificiis decretis, silentio se continent. Quare evenit Ecclesia, quod accidit navi discipulorum gerenti ejus figuram, quæ dum agebatur motu magno, & maris fluctibus proxime opprimebatur, Christus Matth. 8. imperavit ventis, & mari, & facta est tranquillitas magna. Sic Pontifices Christi Vicarii, insurgentibus ventis disputationum, fluctuantibus rixis, & contumeliis fidelium cordibus, pacemque, & tranquillitatem Ecclesia turbantibus, dixerunt, quæ dixit Christus Marci 4. *Tacete, & obmutescite, & cessarunt rixæ, dissidia, tumultus, & facta est tranquillitas magna,* quæ feliciter in hodiernum diem perseverat.

IV. Videndum modo, an stante tranquillitate, qua in praefenti gaudet Sancta Mater Ecclesia ex suorum filiorum religiosa obedientia, sit necessarium, & expediens denuo suscitare motus per definitionem Pontificis loquentis ex Cathedra, qua declaretur Mysterium Immaculati Conceptus Mariæ, vel ut res de fide, vel ut certa infra fidem, sed cuna certitudine aliqua infallibilis veritatis. Hæc est petitio exhibita, & in terminis expressa in supplici libello.

Absit, ut suspicemur, viros pietate, doctrina, probitate,